

嘉庆朝《大清会典》中的理藩院资料

E279/1805

嘉庆朝《大清会典》中的理藩院资料

(原卷四十九至五十三)

目 录

理藩院

旗籍清吏司

疆理

封爵

谱系

扎萨克辅官

会盟

阅兵

驿道

游牧内属者

王会清吏司

俸禄

年班

岁贡

燕飧

公主来京

供给

赏赉

围班

典属清吏司

外扎萨克

疆理

封爵

编旗

会盟

军兵

驿道 互市 库伦办事大臣 哈萨克互市 喇嘛

驻藏大臣 西藏入贡 游牧内属者

柔远清吏司

俸禄 年班 贡物

徠远清吏司

回众 回爵 回户 伯克 贡物 边裔

理刑清吏司

罪罚 听狱

蒙古房

内外馆

银库

理藩院 尚书，满洲一人，左侍郎，满洲一人，右侍郎，满洲一人，额外侍郎，蒙古一人（额外侍郎，以蒙古贝勒、贝子之贤能者任之）。掌外藩之政令，制其爵禄，定其朝会，正其刑罚。尚书、侍郎率其属以定议，大事上之，小事则行，以布国之威德。

乃经其游牧之治，大漠以南曰内蒙古，部二十有四，为旗四十有九。（科尔沁部六旗：曰左翼中旗，左翼前旗，左翼后旗，右翼中旗，右翼前旗，右翼后旗。札赉特部一旗。杜尔伯特部一旗。郭尔罗斯部二旗：曰前旗，后旗。故汉部一旗。奈曼部一旗。巴林部二旗：曰左翼旗，右翼旗。札鲁特部二旗：曰左翼旗，右翼旗。阿鲁科尔沁部一旗。翁牛特部二旗：曰左翼旗，右翼旗。克什克腾部一旗。喀尔喀左翼部一旗。喀喇沁部三旗：曰中旗，左翼旗，右翼旗。土默特部二旗：曰左翼旗，右翼旗。乌珠穆沁部二旗：曰左翼旗，右翼旗。浩齐特部二旗：曰左翼旗，右翼旗。苏尼特部二旗：曰左翼旗，右翼旗。阿巴噶部二旗：曰左翼旗，右翼旗。阿巴哈那尔部二旗：曰左翼旗，右翼旗。四子部落部一旗。茂明安部一旗。乌喇特部三旗：曰中旗，前旗，后旗。喀尔喀右翼部一旗。鄂尔多斯部七旗：曰左翼中旗，左翼前旗，左翼后旗，右翼中旗，右翼前旗，右翼后旗，右翼前末旗。凡四十九旗。东起杜尔伯特旗，当嫩江东岸，在齐齐哈尔城之东南，呼兰城之西，扎萨克所居，曰图布森锡喀图。其南为郭尔罗斯后旗，当混同江北岸，扎萨克所居，曰榛子岭。杜尔伯特隔嫩江而西，为札赉特旗，在齐齐哈尔城之西南，扎萨克所居，曰图布森察汉锡里。扎赉特之南为郭尔罗斯前旗，

当嫩江与松花江相合之西岸，在吉林伊通边门外长春府之西，扎萨克所居，曰固尔班笃洛噶。扎賚特之西为科尔沁右翼后旗，跨陀喇河，扎萨克所居，曰额木图锡里。其西为科尔沁右翼前旗，当索岳尔济山之南，陀喇河、归喇里河于是合流，扎萨克所居，曰翁衮山。其西为科尔沁右翼中旗，哈古勒河于是合阿鲁坤都伦河流入于沙，扎萨克所居，在巴彦和硕山之南，曰塔克禅。由郭尔罗斯前旗之西南赫尔苏边门外昌图厅，斜亘至科尔沁右翼之西为科尔沁左翼中旗，跨东西二辽河，扎萨克所居，在西辽河之北，曰唐哈里克。其南为科尔沁左翼后旗，当法库边门外，东西二辽河于是合流，扎萨克所居，曰济尔哈朗图。其西为科尔沁左翼前旗，当法库边门外西北，养息牧牧场东，扎萨克所居，曰鄂勒济布里特。科尔沁右翼之西为扎鲁特二旗同游牧，当哈古勒河、阿鲁坤都伦河之源，达布苏图河于是流入于沙，左翼扎萨克所居，在奇勒巴尔哈尔罕山之南，右翼扎萨克所居，在布颜河之东。其西为阿鲁科尔沁旗，哈奇尔河、嫩木伦河、绰诺河于是合流为达布苏图河，扎萨克所居，曰托果木台。其西为巴林二旗同游牧，当黄河之北岸，扎萨克所居，在济尔哈朗图河之北。又西为克什克腾旗，在围场之北当黄河源，扎萨克所居，曰空格尔河。阿鲁科尔沁之南为柰曼旗，当潢河、老河合流之南岸，扎萨克所居，曰库赖。其东南为喀尔喀左翼旗，当养息牧河源，扎萨克所居，曰察汉和硕柰曼之西为翁牛特左翼旗，介潢河、老河之间，扎萨克所居，曰绰克温都尔。其南为敖汉旗，跨老河，扎萨克所居，曰温克图什勒格。翁牛特左翼之西为翁牛特右翼旗，在围场

之东北，当老河北岸，扎萨克所居，曰库里雅图。柰曼之南为锡喀图库伦喇嘛游牧。其西为附于土默特左翼旗喀尔喀贝勒游牧。锡喀图库伦之南为土默特左翼旗，在养息牧牧场之西，扎萨克所居，曰乌兰陀罗海。其西为土默特右翼旗，当九关台、新台边门之外，跨傲木伦河，扎萨克所居，曰黑城子。其西为喀喇沁左翼旗，当傲木伦河源，扎萨克所居，曰巴彦察汉山。其西为喀喇沁中旗，当老河源，扎萨克所居，曰珠布格朗图巴彦喀喇山。喀喇沁左翼旗中旗之北为喀喇沁右翼旗，在围场东，跨老河，其北与翁牛特接，扎萨克所居，在锡伯河之西。科尔沁右翼中旗之西北为乌珠穆沁左翼旗，当索岳尔济山之西，有鄂尔虎河绕其游牧，汇于和里图诺尔，南与扎噜特接，扎萨克所居，在鄂尔虎河之侧。其西为乌珠穆沁右翼旗游牧，内有英吉汉河流入于沙，有巴鲁古尔河灌于阿达克诺尔，南与巴林接，扎萨克所居，曰巴彦鄂博图。其西为浩齐特左翼旗，游牧内有大小吉里河，扎萨克所居，在吉里河东岸，曰噶亥。其西为浩齐特右翼旗，锡林河至是流入于沙，扎萨克所居，曰巴彦思克鄂勒虎陀落。其西为阿巴噶左翼、阿巴哈纳尔左翼二旗同游牧，环锡林河，阿巴噶左翼扎萨克所居，在锡林河西，曰塔林桑山，阿巴哈纳尔左翼扎萨克所居，曰阿尔噶灵图山。自浩齐特左翼至此，南皆与克什克腾接自乌珠穆沁左翼至此，北皆与喀尔喀车臣汗部接。其西为阿巴哈纳尔右翼旗，有达里冈爱诺尔，魁老河、瑚郭苏台河灌焉，扎萨克所居，曰孟克乌达山。其西为阿巴噶右翼旗，有库尔察汉诺尔。固尔班乌斯克河灌焉，扎萨克所居，曰孟古勒陀罗海。其西为苏尼特左翼

旗，有固尔班乌斯克河，扎萨克所居，曰察汉诺尔巴彦诺尔。自阿巴哈纳尔至此，北皆与达里冈爱牧场接。其西为苏尼特右翼旗，扎萨克所居，曰阿勒塔图。其西为四子部落旗，有锡喇察汉诺尔，锡喇木伦河灌焉，扎萨克所居，曰鄂勒哲满达赖。自阿巴哈纳尔右翼旗至此，南皆与察哈尔游牧接。其北为喀尔喀右翼旗，有爱布哈河、塔布浑河合流灌于阿勒坦托辉诺尔，扎萨克所居，曰巴彦鄂博河。其西为茂明安旗，当爱布哈河源，扎萨克所居，曰巴彦察汉鄂博。自阿巴哈纳尔至此，北皆与喀尔喀土谢图汗部接。四子部落西茂明安南，皆与归化城土默特接。其西为乌喇特三旗同游牧，当河套之北岸，在噶扎尔山之南，三扎萨克同居，曰哈达玛尔。其南为鄂尔多斯七旗，在河套内，东西北三面距黄河，南接陕西边，西南接甘肃边。其七旗游牧，东南为左翼前旗，扎萨克所居，曰扎拉谷。东北为左翼后旗，扎萨克所居，曰巴尔哈逊。正中近东为左翼中旗，扎萨克所居，曰鄂锡喜。西南为右翼前旗，扎萨克所居，曰巴哈诺尔。西北为右翼后旗，扎萨克所居，曰鄂尔吉虎诺尔。正西近南为右翼中旗，扎萨克所居，曰锡喇布里多诺尔。依右翼前旗为右翼前末旗。）

逾大漠曰外蒙古，喀尔喀部四，附以二，为旗八十有六。（土谢图汗部二十旗：曰土谢图汗旗，中旗，中左旗，中右旗，中次旗，中右末旗，中左翼末旗，左翼中旗，左翼中左旗，左翼前旗，左翼后旗，左翼末旗，左翼左中末旗，左翼右末旗，右翼左旗，右翼右旗，右翼左后旗，右翼左末旗，右翼右末旗，右翼右末次旗。三音诺颜部二十二旗：曰三音诺颜旗，

中左旗，中右旗，中前旗，中后旗，中末旗，中左末旗，中后末旗，中右翼末旗，左翼中旗，左翼左旗，左翼右旗，左翼左末旗，右翼中左旗，右翼中右旗，右翼中末旗，右翼前旗，右翼后旗，右翼末旗，右翼左末旗，右翼右后旗，右末旗。车臣汗部二十三旗：曰车臣汗旗，中左旗，中右旗，中前旗，中后旗，中末旗，中左前旗，中右后旗，中末右旗，中末次旗，左翼中旗，左翼左旗，左翼右旗，左翼前旗，左翼后旗，左翼后末旗，右翼中旗，右翼中左旗，右翼中右旗，右翼中前旗，右翼左旗，右翼后旗。扎萨克图汗部十八旗：曰扎萨克图汗兼管右翼左旗，中左翼左旗，中左翼右旗，中左翼末旗，中右翼左旗，中右翼末旗，中右翼末次旗，左翼中旗，左翼左旗，左翼右旗，左翼前旗，左翼后旗，左翼后末旗，右翼右旗，右翼前旗，右翼后旗，右翼右末旗，右翼后末旗。额鲁特部二旗：曰额鲁特旗，额鲁特前旗，附于三音诺颜部。辉特部一旗，附于扎萨克图汗部。凡八十六旗。东起车臣汗部左翼前旗，当索岳尔济山北，依喀尔喀河，东与黑龙江索伦巴尔呼接，西与内扎萨克乌珠穆沁左翼旗接。其北为车臣汗部中右旗，喀尔喀河于是湍于贝尔诺尔，东与北皆与黑龙江索伦巴尔呼接。其西为车臣汗部左翼后末旗，左翼后末旗之南为车臣汗部右翼后旗，东与内扎萨克乌珠穆沁左翼旗接，南与内扎萨克乌珠穆沁右翼旗、浩齐特左翼旗、右翼旗、阿巴噶、阿巴哈纳尔左翼旗接，西与达里冈爱牧场接。左翼后末旗之北为车臣汗部中前旗，跨喀鲁伦河，东与索伦巴尔呼接，北至卡伦，与俄罗斯为界。其西为车臣汗部中左前旗，其西为车臣汗部左翼左旗，皆跨喀鲁伦河，北至卡伦，与俄罗斯为界。左翼后末旗之西为车臣汗部左翼后旗，南与达里

冈爱牧场接。左翼左旗、左翼后旗之西为车臣汗部中左旗。中左旗之北为车臣汗部左翼中旗，在科勒苏河之东，跨喀鲁伦河，北至卡伦，与俄罗斯为界。其西为车臣汗部左翼右旗、中末次旗，左翼右旗跨喀鲁伦河，中末次旗在其北。左翼右旗之西为车臣汗部右翼左旗，其西为车臣汗旗，皆跨喀鲁伦河。车臣汗旗之北为车臣汗部右翼前旗、右翼中左旗，右翼中左旗在右翼前旗之南。中末次旗、车臣汗旗、右翼前旗之北为车臣汗部中后旗，跨敕嫩河。车臣汗旗、右翼中左旗之西为车臣汗部右翼中前旗，当喀鲁伦河曲处，有拖陵山，圣祖仁皇帝亲征噶尔丹，于是勒铭焉。其北为车臣汗部中右后旗，在肯特山之东，当喀鲁伦、敕嫩二河源，北与土谢图汗部右翼左末旗接。左翼后旗、中左旗之西为车臣汗部中末右旗，北与左翼右旗、右翼左旗、车臣汗旗接，东南与达里冈爱牧场接，南与土谢图汗部左翼中旗接。中末右旗之西为车臣汗部中末旗，南与土谢图汗部左翼中旗接。中末旗、右翼中前旗之西为车臣汗部右翼中右旗。中末旗、右翼中右旗之西为车臣汗部右翼中旗，北与土谢图汗部中旗接，西与土谢图汗部左翼右末旗接，西南与土谢图汗部左翼末旗接。其南为土谢图汗部左翼中旗，当阿尔泰军台之所经，东南与达里冈爱牧场接，南与内扎萨克苏尼特左翼旗、右翼旗、四子部落旗接。其游牧近东南围出一小游牧为土谢图汗部中次旗。其北为土谢图汗部左翼末旗、左翼中左旗，左翼末旗当阿尔泰军台之东，左翼中左旗当阿尔泰军台之西。左翼末旗之北，为土谢图汗部左翼右末旗，当阿尔泰军台之东，达库伦之驿，于是分道，其北为土谢图汗部中旗、

中右末旗、中右旗、左翼左中末旗。中旗在肯特山之西南，汗山恃其境。当土拉河源、汗山之北，是为库伦。土拉河之东，喀鲁伦河之西，有东库伦，其地曰昭莫多。中右末旗在中旗之西，跨土拉河。中右旗又在中右末旗之西，当土拉河曲处。左翼左中末旗又在中右旗之西，当喀鲁哈河源。中右旗之西北，为土谢图汗部中左旗。中左旗、左翼左中末旗之西为土谢图汗旗。在杭爱山之东，跨鄂尔坤、喀鲁哈二河，有西库伦。中旗之北为土谢图汗部右翼左末旗、右翼右末旗，右翼左末旗包右翼右末旗之东北，右翼左末旗有温泉、伊逊河、哈拉河，右翼右末旗当哈拉河源。右翼左末旗之北为土谢图汗部中左翼末旗、右翼右末次旗，中左翼末旗当鄂尔坤河、色楞格河合流，北至卡伦，与俄罗斯为界。自库伦有驿经右翼右末旗、右翼左末旗，至是达于恰克图，为通俄罗斯互市之道。右翼右末次旗在其西，跨鄂尔坤河、色楞格河。其西为土谢图汗部右翼左旗，跨色楞格河，土拉河于是合于鄂尔坤河。自右翼右末次旗至是皆北至卡伦，与俄罗斯为界，其西为土谢图汗部下古罗格沁人游牧，其西与三音诺颜部中末旗接。右翼左旗之南为土谢图汗部右翼左后旗、左翼前旗，右翼左后旗当土拉河、喀鲁哈河合流，南与中右旗接，左翼前旗跨喀鲁哈河，南与中左旗、土谢图汗旗接，西与三音诺颜部左翼中旗、额鲁特前旗接。土谢图汗旗之西南为土谢图汗部右翼右旗，南与三音诺颜部右翼中左旗接。左翼中旗之西为土谢图汗部左翼后旗，当阿尔泰军台之所经，翁金河至是灌于胡尔哈鄂伦诺尔，其游牧自东北斜亘至于西南，南与内扎萨克喀尔喀右翼旗、乌喇特三旗接，西北与三音诺颜部中前旗、右翼左末旗、右翼中左旗接，西与三音诺颜部左翼右旗

接。土谢图汗旗及右翼右旗之西为三音诺颜部额鲁特旗，跨济尔玛台河、鄂尔坤河。其北为三音诺颜部额鲁特前旗，当塔米尔河北岸。额鲁特前旗之西为三音诺颜部左翼左末旗，跨塔米尔河、胡努伊河。其北为三音诺颜部右翼前旗，胡努伊河至是合于哈绥河。其北为三音诺颜部左翼中旗，跨哈绥河。其北为三音诺颜部中末旗，哈绥河至是合于色楞格河，东北至卡伦，与俄罗斯为界。额鲁特旗之西为三音诺颜部中前旗，跨济尔玛台河、鄂尔坤河、翁金河。中前旗之西为三音诺颜部右翼左末旗，其西为三音诺颜部右翼中左旗，皆跨翁金河。其西为三音诺颜旗，当鄂尔坤河源，有塔楚河出其游牧流入于沙。其西为额尔德尼班第达呼图克图游牧，推河至是滞于鄂罗克诺尔。其西为三音诺颜部中右旗，当推河源。其西为三音诺颜部右翼中末旗，拜塔里克河之东支至是滞于察汉诺尔。其西为三音诺颜部右翼末旗，墨特河至是合于拜塔里克河，拜塔里克河复分为东西二支。其西为青苏珠克图诺们罕游牧，有察汉齐尔里克河，拜塔里克河之西支至是滞于嫫察汉诺尔。其西为三音诺颜部右翼右后旗，当拜塔里克河源，西与扎萨克图汗部右翼右旗、左翼后旗接。右翼右后旗之西北为三音诺颜部左翼左旗，当扎布噶河源。其西北为三音诺颜部中后旗，有布尔噶苏台河合于扎布噶河，其西北为乌里雅苏台军营城。自中前旗迤迤而西北，历右翼左末旗、右翼中左旗、三音诺颜旗、额尔德尼班第达呼图克图游牧、中右旗、右翼中末旗、右翼末旗、青苏珠克图诺们罕游牧、右翼右后旗、右翼左旗、中后旗，皆阿尔泰军台之所经。三音诺颜旗之北为三音诺颜部右翼

中右旗、中右翼末旗，右翼中右旗在中右翼末旗之东，当济尔玛台河源，中右翼末旗当塔米尔河南岸。三音诺颜旗之南为三音诺颜部左翼右旗，南与内扎萨克乌喇特三旗接，西为大戈壁。中后旗之西南为那鲁班禅呼图克图游牧，跨扎布噶河，西与扎萨克图汗部左翼中旗、右翼后旗接。左翼左末旗、右翼前旗之西南为扎牙班第达呼图克图游牧，跨塔米尔河、哈绥河南与右翼中右旗、中右翼末旗接。其西为三音诺颜部中左末旗，当塔米尔、哈绥、齐老图三河源。左翼中旗之西为三音诺颜部右翼后旗，当哈绥河北岸，色楞格河南岸，北与扎萨克图汗部中左翼后旗接。其西为三音诺颜部中后末旗，跨齐老图河。其西为三音诺颜部中左旗，有特尔克河、伊第尔河合于齐老图河，为色楞格河，北与扎萨克图汗部中左翼右旗接。其西为三音诺颜部右末旗，当伊第尔河源，北与扎萨克图汗部中右翼末次旗接。中末旗之北为扎萨克图汗部中左翼末旗，当德勒格尔河东岸。其西为扎萨克图汗部右翼右末旗，当德勒格尔河西岸，桑锦达赖之东。其西南为扎萨克图汗部中左翼右旗，在桑锦达赖之南。其北为扎萨克图汗部中左翼左旗，在桑锦达赖之北，当特斯河源，北与唐努乌梁海旗接。其西为扎萨克图汗部左翼前旗、左翼后末旗同游牧，在奇勒稽思诺尔之东。其南为扎萨克图汗部左翼左旗，在奇勒稽思诺尔、爱拉克诺尔之南，跨空归河，西北与科布多所属杜尔伯特左翼旗接。其南为扎萨克图汗部中右翼末次旗，有特们诺尔、委衮诺尔。中右翼末次旗、左翼左旗南皆与乌里雅苏台军营城接。左翼左旗之西为扎萨克图汗部左翼右旗，在都尔根诺尔之南，北与科布

多所属扎哈沁旗接。其西为扎萨克图汗部中右翼左旗，西北皆与科布多所属扎哈沁旗接。乌里雅苏台军营城之西为扎萨克图汗部左翼中旗、右翼后旗同游牧，当扎布噶河西岸。其南为扎萨克图汗旗，有博格爾諾爾。其西为扎萨克图汗部右翼前旗。扎萨克图汗旗之南为扎萨克图汗部右翼右旗。右翼前旗之南为扎萨克图汗部左翼后旗。扎萨克图汗旗东北为扎萨克图汗部辉特旗，当济尔哈河东岸。其西北为扎萨克图汗部中右翼末旗，济尔哈河至是滞于察汉诺尔。其西为扎萨克图汗部右翼后末旗，北与科布多所属扎哈沁旗接。自左翼后旗相连而西，历右翼前旗、右翼后末旗，其西南皆大戈壁，逾戈壁与西套额鲁特旗、额济纳土尔扈特旗、哈密、巴里坤接。）

环青海而居者曰青海蒙古，部五，为旗二十有九。（青海和硕特部二十一旗：曰前头旗，东上旗，西前旗，西后旗，北前旗，北左末旗，北右末旗，前左翼头旗，西左翼后旗，西右翼中旗，西右翼前旗，西右翼后旗，南左翼中旗，南左翼次旗，南左翼后旗，南左翼末旗，南右翼中旗，南右翼后旗，南右翼末旗，北左翼旗，北右翼旗。青海绰罗斯部二旗：曰南右翼头旗，北中旗。青海辉特部一旗：曰南旗。青海土尔扈特部四旗：曰南中旗，南前旗，南后旗，西旗。青海喀尔喀部一旗：曰南右翼旗。凡二十九旗。东起和硕特南左翼末旗，当博罗冲克克河源，南与东与西宁边外地接。其西为和硕特东上旗，在青海东北岸。其西为和硕特北右翼旗，在青海北岸。其西为绰罗斯北中旗，在青海西北岸。东上旗之南为和硕特南右

翼后旗，在青海东岸，南与西宁边外地接，有世宗宪皇帝圣制碑。其西南为绰罗斯南右翼头旗，在青海之东南岸。其西为喀尔喀南右翼旗，在青海之南岸。其西为和硕特南左翼后旗，在青海之西南岸。其西北为和硕特北前旗，在青海之西岸，北逾布喀河与绰罗斯北中旗接。北前旗之西为和硕特北左末旗，其西为和硕特西前旗，皆在布喀河南岸。东上旗之北为和硕特前左翼头旗，在大通河南岸，其东北为和硕特西右翼前旗，在大通河北岸，前左翼头旗、西右翼前旗北皆与凉州边外地接，前左翼头旗之西北与甘州边外地接，西右翼前旗之东与西宁边外地接。西前旗之西南为班禅额尔德尼商上堪布牧场。其西为和硕特西左翼后旗，其西为和硕特西右翼后旗，其西为和硕特西右翼中旗，自西左翼后旗至是皆跨柴达木河，南皆与西宁所属土司境接。西左翼后旗之北为和硕特北右末旗，在喀布河源沙尔诺尔之西，其西为和硕特北左翼旗，皆北与肃州边外地接。南右翼后旗之东南逾大道为辉特南旗，当巴彦诺尔之南。其西为和硕特南右翼末旗。在黄河北岸，有西尼诺尔。其西为达赖喇嘛商上堪布牧场。其西为和硕特南左翼次旗，有盐池。其西为和硕特西后旗，跨柴集河，其水注于盐池。其南为土尔扈特南中旗，南中旗之西为土尔扈特南后旗，南后旗之南为土尔扈特西旗，自土尔扈特南中旗至是皆在黄河西岸，南与西皆与西宁所属土司境接。黄河以东东起和硕特南右翼中旗，当鲁察布拉山之西，东与洮州所属土司境接，北与循化厅所属番子境接。其西为和硕特前头旗，南当黄河之曲，有小哈柳图河入于黄河。

其西为土尔扈特南前旗，南依黄河，有大哈柳图河入于黄河。其北为和硕特南左翼中旗，西依黄河，有恰克图河入于黄河。其北为察汉诺们罕游牧，西依黄河，有硕尔浑河入于黄河。北皆与贵德厅所属番子境接。逾黄河而西，皆与西宁所属土司境接。

贺兰山之阴曰西套额鲁特。（西套额鲁特系和硕特，亦曰阿拉善。）额济纳河之阳曰额济纳土尔扈特。错处于金山天山之间曰杜尔伯特、土尔扈特、和硕特，凡部十，附以一，为旗三十有四。（西套额鲁特部一旗。额济纳土尔扈特部一旗。左翼杜尔伯特部十一旗：曰特因斯库鲁克达赖汗旗，中旗，中左旗，中前旗，中后旗，中上旗，中下旗，中前左旗，中前右旗，中后左旗，中后右旗。右翼杜尔伯特部三旗：曰前旗，前右旗，中右旗。辉特部二旗：曰下前旗，下后旗，下前旗附于左翼杜尔伯特部，下后旗附于右翼杜尔伯特部。南路珠勒都斯土尔扈特部四旗：曰卓里克图汗旗，中旗，左旗，右旗。北路霍博克萨里土尔扈特部三旗：曰北路旗，左旗，右旗。东路济尔哈朗土尔扈特部二旗：曰左旗，右旗。西路精土尔扈特部一旗：曰西路旗。中路珠勒都斯和硕特部三旗：曰中旗，左旗，右旗。乌隆古土尔扈特部二旗：曰左旗，右旗。哈弼察克和硕特部一旗。西套额鲁特旗，当贺兰山之西，其游牧迤邐而西，南与凉州、甘州边外地接，北系大戈壁，逾戈壁与喀尔喀扎萨克图汗部接。其西为额济纳土尔扈特旗，跨坤都伦河，南与肃州边外地接，西与北皆大戈壁，逾戈壁而北与喀尔喀扎萨克图汗部接，逾戈壁而西与哈密接。杜尔伯特左翼十一旗，右翼三旗，及辉特二旗同游牧，

当金山之东，地曰乌兰古木，东南与喀尔喀扎萨克图汗部接，东北与唐努乌梁海接，西北与阿尔泰诺尔乌梁海接，西与阿尔泰乌梁海接，南与科布多牧场及明阿特旗接。珠勒都斯土尔扈特四旗同游牧，当天山之南，其西为珠勒都斯和硕特三旗同游牧，有珠勒都斯河绕两部游牧，南与喀喇沙尔城回境接，东北逾大山与乌鲁木齐接，西北逾大山与伊犁接。霍博克萨里土尔扈特三旗同游牧，当金山之西南，西与塔尔巴哈台所属额鲁特游牧接，南系戈壁，东与科布多所属阿尔泰乌梁海旗接，北至卡伦，与哈萨克为界。济尔哈朗土尔扈特二旗同游牧，当天山之北，跨济尔哈朗河，东与南皆与乌鲁木齐接，北与塔尔巴哈台所属额鲁特游牧接，西与库尔喀喇乌苏屯田接。精土尔扈特旗，当天山之北，在精河东岸，东接精河屯田，南接伊犁围场，西与伊犁所属察哈尔游牧接，北为盐海子。乌隆古土尔扈特二旗同游牧，当金山之南，在乌隆古河之东，西与北皆与阿尔泰乌梁海接，南系戈壁，逾戈壁与古城接。其东北为哈弼察克和硕特旗，当金山之南，在哈弼察克河之东，东与科布多所属扎哈沁游牧接，北与阿尔泰乌梁海接。）

回部为旗二。（回部哈密一旗，吐鲁番一旗，皆当天山之南。哈密回城在哈密城之西，吐鲁番回城在吐鲁番城之东，皆南接大戈壁。）

旗各建其长曰扎萨克，而治其事。（扎萨克之众曰阿尔巴图，其治皆统于扎萨克。）无扎萨克，则系于将军，若都统，若大臣，而辖之。（不设扎萨克者，土默特辖于绥远城将军。）

察哈尔，及附察哈尔旗之巴尔呼、喀尔喀、额鲁特，辖于察哈尔都统。达什达瓦之额鲁特，辖于热河都统。呼伦贝尔之额鲁特、新巴尔呼，辖于呼伦贝尔副都统，打牲之索伦、达呼尔、鄂伦春、毕拉尔，辖于打牲处总管，皆统于黑龙江将军。伊犁之额鲁特、察哈尔，辖于伊犁将军。塔尔巴哈台之额鲁特、察哈尔、哈萨克，辖于塔尔巴哈台参赞大臣。喀什噶尔、叶尔羌、阿克苏、乌什、喀喇沙尔、和闐各回子，分辖于各城参赞大臣、办事大臣、领队大臣，皆统于伊犁将军。唐努乌梁海辖于定边左副将军。科布多之明阿特、额鲁特、扎哈沁、阿尔泰乌梁海、阿尔泰诺尔乌梁海，辖于科布多参赞大臣，统于定边左副将军。西藏达木蒙古，辖于驻藏大臣。土默特，与民人散处于归化城、和林格尔、托克托城、清水河、萨拉齐五厅，倚大青山，东与四子部落旗接，北与茂明安旗接，西与乌喇特旗接。察哈尔左翼四旗，南与丰宁县及张家口、独石口二厅边外地接，右翼四旗，南与丰镇、宁远二厅边外地接，左翼之东与围场接，右翼之西与归化城接，北与阿巴哈纳尔右翼旗、苏尼特左翼旗、右翼旗、四子部落旗接。呼伦贝尔之额鲁特，附于呼伦贝尔驻防。达什达瓦额鲁特，附于热河驻防。打牲之索伦、达呼尔、鄂伦春、毕拉尔所居，沿嫩江而北及纳黑尔河、诺敏河、阿伦河、雅勒河、济沁河、托新河、呼密尔河、西里木迪河一带。伊犁额鲁特游牧，在伊犁之南境，南倚天山，东南西一带皆设卡伦，东逾卡伦与精土尔扈特游牧接，南逾卡伦即天山，天山之内为珠勒都斯土尔扈特和硕特游牧，西逾卡伦与布噜特为界。察哈尔游牧，在伊犁之东北境，北一带设